

Monna le Mogatšagwê

Married life

Hlompho le boitshwaro magareng a monna le mogwegadi a wa gagwe e bjalo ka motho le morwa wa gagwe. Ke gore monna o swanetše go hlompha mogwegadi wa gagwe dilong kamoka. Mogwegadi o swanetše go thušwa ke monna yo a nyetšego morwedi wa gagwe. Monna a ka fiwa mošomo wa go aga dintlo, go lema mašemo, go rēma mašemō. Lefakgomo o aga dintlo tša mogwegadi wa gagwê Matome Monyela. Mohale Mojela o rema mašemō a mogwegadi wa gagwe Motome o bile o a mo lema ka ntle le moputsō.

2 Gomme ke gona mošomong wo mong le wo mong mogwegadi o swanetše go tsibiša monna a morwedi a gagwe. Gomme se seng le se seng se swarago ke mogwegadi monna o tla fiwa kabelo ya gagwe. Gape ge gona le bjälwa mo motseng wa mogwegadi monna o swanetše go tsibišwa gore bjälwa bja se mo hlaele. Ga e le monna ena ga a na tshwanelō ya go diriša mogwegadi mediro. Ge ba sepela bale leetong merwalo kamoka e rwalwa ke monna. Ge monna a gahlana le mogwegadi wa gagwe ke ena a swanetšego go letšha peleng, Ge a gahlana le mogwegadi wa gagwe o swanetše go aroga tseleng gore mogwegadi a fete e be a boela tseleng. Monna ga swanelwa go bonwa a jela legopong le tee le mogwegadi wa gagwe. Gape ga nwe meetse ka sebjana seo mogwegadi a nwego ka sona. Gomme ga robale legogong leo mogwegadi a robalang go lona. Ga dule sedulong seo mogwegadi a dulang go sona. Gape ge e le monna wa diswaro o swanetše go hlokomela mogwegadi ka tšeo a dihlokago. Monna o bitša mogwegadi wa gagwe makgolo wa gagwe. Gomme ntlong yeo go dulang monna mogwegadi ga tsene. Gape legogo leo monna a dulang go lona mogwegadi ga dule godimo ga lona. Gomme babedi ba ba tšhabana ka molao wa tšielano ya bona.

4 Gomme melao ya hlomphe le boitshwaro magareng a monna le mogwegadi ke se tlemo se tee gare ga monna le matswalagwe. Mogwa monna o bonwa bjalo ka motswala motho go monna. Gomme ga go poifo ya dipolelo magareng a bona bjalo ka monna le matswalagwe goba le mogwegadi a monna. Gomme bona ba swarana bjalo ka bana ba monna. Gape ba hlomphe kudu kudu gomme hlomphe ya monna e le ye kgolo go mogwagwe.

Gomme bona ge ba ija dijo gaba tšhabane. Gape ba ka jela felo go tee, gomme ba robala ntlo ngwe. Gomme ge bale mmogo ba thabišana kudu bjalo ka monna le mosadi mo di polelong tša bona.

5 Gomme polelo ya bona e bitšwa moke o goba metlae.

Mogatša mogwa motho o bjalo ka matswalagwe bjalo ka ge a bitšwa makgolo wage. Gomme ga go polelo ye e ka hwetšwago mo gare ga bona. Gomme bona ba boifana kudu. Molamo wa monna ke seswantšho sa mosadi wa monna mo go tšohle. Gape molamo a nyalwa ke monna e be mosadi wa gagwe. Gomme mo gare ga bona ga go poifo. Gomme ba ka ja bohle ba dula felo go tee. Bo mogolwago le bo monnago magatšagwe ba bitšwa bo-mogwagwe le ba lamo kamoka. Rangwane a mosadi a gagwe o bjalo ka mogwegadi a gagwe. Gomme melao kamoka ya monna le mogwegadi e bjalo go monna le rangwane a mogatšagwe.

6 Malome a mosadi a monna o bjalo ka rangwane le papago mosadi. Gomme boitshwaro bo sale tee. Meloko ye meng ya bo mosadi a monna ke bo makgolo a monna kamoka. Ditshwanelo tša monna mo go bohle bao ba boletšwego ke hlomphe mo go monna. Mosadi o hlomphe mogwegadi goba le matswalagwe ka go ba šomela mešomō yohle ya motse. Gomme bona ba mmitša ngwetši a bona. Mogolo wa magatšage e sale mmatswale goba ratswale ge e le monna. Gomme bona o ba hlomphe kudu kudu dilong kamoka. Gomme ga swanelwa go hwetšwa a bolela le bona ka mokgwa wo mobe.

7 Gomme tše di ganwago magareng a mosadi go bohle ba moloko wa monna ke go hloka hlomphe go meloko kamoka. Gape hlomphe e tloga ka bana go iša go ba bagolo. Gomme ge a bolela yo mong le yo mong wa meloko ya monna o re lena. Lena ke gore ke motho yo mogolo go ena.

Gomme gape le bona ba tla bolela bjalo mo go ena. Ke mosadi yo a direlago bohle ba moloko wa monna. Gomme tirelo ye e dirwa mo go ba bagolo le banna ka ge e le motho yo a tlilego go direla bohle ba moloko. Gomme bona ba swanetše go mo hlomphe kudu kudu. Gomme yo mong le yo mong o swanetše go mofa mpho yeo a bego le yona.

Monna le mogatšagwe.

Monna o swanetše go hlokomela mosadi ka tšohle. Gomme tšohle tše e leng tša monna ke tša gagwe. Gomme mosadi o swanetše go hlokomela monna katšohle tše a ka bago natšo. Gomme ba swanetše go phidišana gabotse ka mehla. Gomme monna o na le boikarabelo ditabeng tšohle tše di dirilwego ke mosadi wa gagwe ge a šetši a filwe pitša. Gomme ge a sešo go fiwa pitša gona dilo kamoka di taolong ya batswadi ba monna. Gomme ga e le dilong tše mosadi a sentšego di taolong ya batswadi ba mosadi le batswadi ~~na~~ ba monna ge ba sa phela kamoka. Ke gore ge mosadi a dirile molato o tla lefswa ke batswadi ba gagwe. Mosadi ga a na maatla dilong tša gagwe tše bjalo ka diruiwa ge monna wa gagwe a sa phela. Ge mosadi a tšea leeto tumelelo e swanetše go tšwa go monna.

Gomme ge mosadi a ka tšia leeto ka ntle ga tumelelo ya monna o tlo hwetšwa e le yo a hlatšego monna a ile go yo mong. Monna o swanetše go anagela mosadi wa gagwe e le tsibišo ya goba monna o rata go rekiša selo se seng sa tša gagwe. Gomme mosadi ga ana maatla a thibelo mo dilong tšeo kamoka. Gomme mosadi o tsibišwa fela gore a seke a kwa ka batho mo tabeng ye dirilwego ke monna wa gagwe.

10 Ge monna a rata go nyala mosadi yo mong monna o tla tsibiša mosadi ge ~~monna~~ monna a šetše a hweditše mosadi yo a ratago go monyala. Gothve ge monna a ka anegela goba tsibiša mosadi taba ye, mosadi a ka senya bogwe bja monna. Molau Malesa o bile le magwe a lesome a senywa ke mosadi wa gagwe Mampjana Pelusa. Mosadi ge a ile a fiwa seruiwa se bjalo ka pudi goba nku le ge e le kgomo ke motho yo mong wa loko la mosadi goba monna seruiwa seo ke sa monna ge a sa phela. Ke gona mosadi e kaba sa gagwe ka morago ga lehu la monna. Gomme mosadi ga a na go dira selo ke sona ka ntle le tumelelo

11 ye monna. Ga e le monna ena a ka dira seng le se seng ka sona. Gape le ge ba hlalana mosadi o tla setlogela motseng wa monna. Monna tlamile ke mola go aga ngwako wa mosadi. Gomme mosadi a ka thuša fela ka go rema bjang bja go rulela. Ge monna a sa aga ngwako wa mosadi o tla segwa ke banna ba bangwe ba motse wa gabo. Ge mosadi a ka bonwa a swere selepe goba peila a rema diphate tša ngwako o hlola ge monna hwile. Gomme ga a na go aga ngwako ge se ge monna a hwile. Diaparo le dijo go mosadi ke modiro wa monna. Fela boima ka moka bja dijo ke bja mosadi ga di šoma, ka ge bontšhi bja dijo dina le modiro

12 o boima.

Gomme sejo se bjalo ka morogo ke modiro wamosedi go nyaka hlagang. Gomme ga e le dibjana tša lapa ke modiro wa mosadi. Monna o tla tsoma fela megopō. Tše ntšhi bjalo ka dipitša ke modiro wa mosadi.

Megopō ke modiro wa monna ka ge e le sebjana sa go dirwa ka selepe. Monna o swanetše go phela le mosadi bjalo ka monna le mosadi. Mosadi a ka gana monna ge gole se šupago kgano ya ga gwe go monna. Monna o itia goba go betha mosadi labeng kamoka tše mosadi a di dirago e se tumelo goba thatō ya monna. Monna modirō wa gagwē ka lapeng ke go aga ntlo fela, le go hlokomela taba tša malwetši mo lapeng. Modiro wa mosadi la peng la gagwe ke go šoma modiro wa dijo le go thakga mo

- 13 mo go fela ka lapeng lagagwe. Ga e le modiro wa tšhemo mosadi ke go lema le go hlagola, le go leta diji gape le go buna le gona go lokiša dibjalo kamoka. Monna modiro mo tšhemeng ke go rema dihlare le go aga mašala goba bo bunelō bja dibjalo kamoka. Ge mosadi a sa diri se a swanetšego go se dira o bitšwa goba gothwe ke sekwa goba sebedu. Gomme go bjalo le go monna. Ge mosadi a sa belege bana go tla tsongwa molato ka ditaola. Mogong molato o tla hwetšwa go badimo, gomme go tla tsongwa dipheko gore a phekolwe ke batswadi. ba gagwe ka ge mosadi palego a swarwa ke moloko wagabo. Ge go šitile
- 14 tsela ya dipheko gona o tle bušetšwa morago go batswadi gore go tšwe yo mong wa go hlatswa dirope tša ngwabo. Ge a belegile ngwana o tee gona molato o tšwa go modimo gomme gothwe tswala e kwatile goba e hefetšwe ga e sa rata go belega. Gomme le gona dingaka di tla leka go tsoša tswala, ka go fa mosadi dihlare le go dira dipheko. Ge bana ba mosadi ba ehwa ka pele gothwe ke baloi. Gomme gape le pelaelo ya bootswa bja mosadi e tla ba gona. Mo tabeng ye le batswadi ba mosadi ba gopolelwa go dira kotsi ye ka beka la dipelaelo tša bona go ngwana wa bona ge e bung ga fela go nyalwa. Ge monna fokola tswalo ke
- 15 taba yeo e sa bolelwego bathong ba bangwe. Gomme monna o tla leka go nyaka dingaka tša go tsoša maatla tswalo ya gagwe ka hlare tša banna bao ba nago le tsona.

Monna a ka tsebjwa goba tswalo ya gagwe e a fokola ge a na le basadi ba babedi goba ba bararo. Gomme ge a na le mosadi o tee go go hwetšwe goba molato wa monna. Sehlare se tsebjwago go maatla tswalong ya monna ke Monatane. Gomme sa basadi se bitšwa Sebofelo. Ge monna a fokola tswalong go thwe ke nkongwa. Ngaka ya go alafa monna e tla šetšwa ke monna mo o e leng gona. Mosadi wa hlatswa o tšwa gagabo mosadi ka go ntšha thoto ye ngwe go monyala ka kgopelo ya mosadi wa pele wa monna go batswadi ba gagwe. O nyalwa ka palo ya kgomo tša mosadi wa pele.

16 Gom e ga gona phokotšō ya se seng.

Madulo a gagwe a bogolo ke gobelega bana bao ba tsošago lapa la mosadi wa pele mo mon eng yeo. Gomme bana ba gagwe ke bona ba bagolo mo motseng goba lapeng. Bootsweng bja monna bo a lefišwa. Bootsweng bja mosadi o a lefišwa le go itiwa go gona ke monna. Ge go lefilwe mosadi ga sa na molato a ka dula le monna wa gagwe ka khutšo ge a sa hlwe a dira gape tše bootswa.

Seotswa se a itiwa le ge e le monna goba mosadi. Seotswa go bolawa sa monna ke mong mosadi, gomme seo se hwetšwa e le phošo mo molaong. Seotswa se ka lefišwa ke kgoši goba mong wa mosadi.

17 Gomme se se kgodišago gore motho ke seotswa ke ge a hweditšwe a sale maatleng a bootswa, goba go tšeelwa se seng ke monna wa mosadi. Gape e ka ba ka pelaelo ya monna go mesepele ya mosadi. Gomme mogong e ka ba ka go ima ga mosadi. Gantšhi mosadi o hwetšwa mohlant wa pele go gobane ke seotswa. Ke gore ge mosadi e le seotswa ge a ka belega ngwana a ka seke a nyanya mohlant woo. Ke gona mosadi o tla tsena tshokong le basadi ka ena gore ge a sa bolele mediro ya gagwe ya bootswa ngwana a ka seke a phela ke gona o tla hwa.

Ka poifo ya polelo tše o tla bolela maina a banna kamoka bao a dirilego bootswa le bona.

18 Gomme taba ye e direga mohlant mosadi a belega le rathomo. Ke gona ka poifo ye kgolo o tla dira gore tšeo a di dirilego kutamong kamoka di tšwele ntle gom e basadi ba bang ba tla di iša go monna wa gagwe yo a tlogo go iša melato go bao e lego diotswa mosading wa gagwe. Gomme tirō ye e dirwa le ge mosadi a sa phakiši go belega ka pela. Mosadi Mmaleidi mogatša Semetše o be a hwetšwa a na le bootswa bja banna ba lesome mohlant wa pele go ya gagwe. Gape seotswa mo gong se ka hwetšwa ka ditaola tšeo di dirwago ke pelaelo ya monna go mosadi wa gagwe. Mogong seotswa se hwetšwa ka bolwetše ge e le monna.

642

19 Gomme seo e tla ba ka tshekišo ya banna go monna yo a lwalago
 ge ~~ka~~ bolwetši bjo šitago dingaka. Ge a boletše tšohle
 kamoka tša bootswa bja gagwe o tla alafiwa ka hlare tša basadi
 e lego sehlare se bitšwago matlolang. Gomme ge seotswa se
 ile sa fola gona se tla fiwa molato ke mong mosadi yoo go
 hweditšwego gore bolwetši bo tšwele go yena. Ge bootswa bo
 hweditšwe gare ba lesogana le mothepa mme mothepa wa latola
 ge lesogana le lwala gomme la hwa molato ke wa mothepa.
 Gomme ba gabo mothepa ba tla fiwa molato wa hlogo ya motho.
 Ge e le go mosadi wa monna yo mong gona ga go molato. Ge
 20 monna a ka hwetšwa a dirile bootswa le mosadi wa monna wa
 yo mong mme sa bootswa sa senyega gona ke molato wa hlogo ya
 motho, ke gore go tla ntšhwa kgarebe ke monna wa seotswa go
 fa monna wa mong mosadi.

21

Mogoboya Malatši o ntšha ngwana wa gagwe Molaudi wa
 mosetsana go lefela Madia Malatši go bootswa bja Mogoboya le
 Mankomane Monareng mogatša Madir. Bootswa bo hwetšwa ka tsela
 tše ntšhi. Ge motho wa monna a lwala gomme monna yoo a go
 polelwago goba seotswa go mosadi wa gagwe ge a ka tla moo
 molwetši a leng teng, o tla hwa goba bolwetši bja gola. Gomme
 ke gona go tla tsebja ruri gore monna yoo ke seotswa mo mosading
 wa molwetši. Gomme go tla išwa pele ka tshekišo go mosadi
 go fihla a bololla tšohle kamoka. Ke gona ge monna a ka hwa
 ke molato wa hlogo ya motho. Go imišwa ga mosadi ge monna
 a se gona go a kgodišwa gore ke bootswa. Bootswa bo a dumelelwa
 ge monna wa mong wa mosadi a e pona goba o a fokola tswalong.
 Gomme tšeo di dirwa ge monna a le botšofading gomme a na le
 basadi bantšhi ba baswa. Gomme gape seotswa se tla lefwa ke
 mong mosadi goba basadi. Ke gore go swanetše go rerwa pele
 ke monna le batswadi ba seotswa sa monna. Gomme ka morago
 go tla rerwa le sona ka noši.

642

22 Ge se dumetše le batswadi ba dumetše gona mong mosadi goba basadi o tla ntšha kgomo goba pudi ya go mo lefa gore ge a hwetša kotsi mo mosading ga se molato. Gomme ke gona seotswa ga se sa boifa selo go mong mosadi gobane se rekilwe. Gomme ge ngwana a swane le motho yo mong e seng wa leloko la monna goba la mosadi gomme e le motho fela etšwe gona le pelaelo mo go yena yabootswa le mosadi go a kgodišwa gore ke bootswa. Tše monna le mosadi ba atišago go di omanela ke mesepele ya mosadi yeo e sa kgahlego monna. Ga e le monna e na o lokologile a ka sepela bootsweng bjang bjang mosadi ga ana maatla goba molao wa go mothibela.

23 Mosadi aka itiwa bakeng sa go fihla batlabo goba banna ba a sepelago nabo ge monna rata go ba tseba mosadi a gana go ba utulla. Gomme gape mosadi o a itiwa ge a gana go šoma mešomo yeo a fago ke monna. Ge mosadi a sa hlokomele tšohle tše bolelwago ke monna gona o tla itiwa kudu kudu ke monna go sena poifo ya molato go batswadi ba gagwe. Mosadi a ka belaela mme aba a tšhaba matsogong a monna wa gagwe. Ge ntwaga ya mosadi le monna e ka thoma pele ga batho e a lamolwa. Gomme tamolo e dirwa ke batswadi ba monna. Gomme batswadi ba mosadi ga ba lamole ntwaga ya mokgwenyana le morwedi a bona.

24 Ditaba tša lapa di ahlolwa ke batswadi ba bona ka bobedi. Gomme ge ntwaga e le ya go gana ga mosadi go batamelwa ke monna dikobong goba malaong gona kahlole ke ya bakgekolo ba motse ka go eletša monna le mosadi se e leng sona. Ge ntwaga e ka feleletša ka phaladi ya madi gom e mosadi a tšhabela ga gabo, batswadi ba gagwe ba tla tliša molato, mme ke gona ditshenyegelelo di tla išwa go batswadi ba mosadi. Ge montweng mosadi a ka kweša monna bohloko batswadi ba mosadi ba tla lefa monna. Ke gona ditefo kamoka di tla ya go batswadi ba monna. Molato ya monna le mosadi e ka ahlolwa kgorong ya mošate ge molato ele wa boima kudu gomme o palela batswadi ba bona ka gae.

- 25 Basadi ba Lapa ele ba monna o tee ba atišwa go tšewa kgorong e tee goba molokong o tee. Makhushane kgoši o nyetše basadi ba gagwe Mokgadi le Morongwe e le ba kgoro ya Seemela kamoka. Motlalekgomo o nyetše basadi ba gagwe e le ba kgoro e tee, Sewele le Nkgalašakga Hlame. Gomme basadi ba motho ba lokologana ka bogolo ka go nyalwa ga bona ka go hlatlamana. Se se dirago bogolo bja bona ke go tsena mo motseng wa monna ka go latelana le ka phereyo goba kapišo. Gomme madi a go tswalana le monna a ba le bogolo ka ga malome fela. Motswala
- 26 wa monna ke yo mogolo mo malapeng a dikgoši ka go rata go tswala kgoši. Gomme mo bathong go ka ba yo mogolo ge ga rerilwe pele monna a sešo go nyala mosadi yo mongwe. Bogolo ba mosadi ke go nyalwa peleng. Gomme o fiwa bogolo le ge e se ngwana wa kgoši ka goba ke yena wa pele wa go ntšha monna bosoganeng. bja gagwe go modira goba monna. Mosadi ga eke e ba yo mogolo ka go rata ga monna eupja ka go nyalwa pele, Gomme bagabo mosadi ga bana maatla a taolo ya madulo a morwedi wa bona bogadi ge e se ka molao wa lenyalo la monna go basadi ba gagwe. Mosadi wa pele ke yona kgoši-gadi ya bao ba tlogo ka mcrago.
- 27 Morwedi wa monna o a ratega goba mosadi wa monna wa basadi ba bantšhi ka ge go tsongwa fela dikgomo go morwedi a monna.

Basadi ba ratiša banna ba bona go tšea basadi ba bantšhi. Gomme gantši ke bona basadi ba nyakišago banna basetsana. Gomme se se direga ge dikgomo tša lenyalo e tla ba tša barwedi ba bona. Ke gona ga barate gore monna a je dikgomo ka molomo. Ke gore a bolaya a eja nama ya tšona. Gomme mosadi a rata gore di reke motho yo a tlilego go mothuša go modirela mo boimeng bja mediro ya lapa, ka ge e le mosadi wa kgomo tša morwedi wa gagwe. Gomme mo tabeng monna o gapeletšwa kudu ke mosadi.

Ge monna a tšwafa go nyaka mosadi, mosadi o tla dira

642

K34 / 33

28 modiro wa go nyakela monna mosadi ka go tšhaba gore a ka ja dithoto tša morwedi wa gagwe ka molomo.

Monna o a ratišwa go tšea bana ba motho ka o tee ka kgapeletšo ya batswadi ba mosadi wa motho goba kgapelo ya mosadi wa pele ge dikgomo e le tša morwedi wa gagwe. Monna o fepiwa ka tsela tše ntši ge a na le basadi ba bantši. Ge basadi ba ka apea kamoka ka tšatši le leng ba tla mo solela kamoka ga bona. Gomme o tla leka goja magobe ao. Ge a mošita basadi ba tla a tšea yo mong le yo mong telo ya gagwe.

29

Gomme ka se šetšego go dirwa Mapotō sona gore a tle a fe monna ka moso. Gomme monna ga swanelwa go seleke go ja magobe kamoka ka go boifa dipelaelo tša go hloka lerato gobeng ba ditelo tšeo magobe goba maaswa a tšona a sa lewago ke monna. Ke gona o swanetše gore a se ke a jela go tlatša mpa ka mogopo goba telo yeo fihlago pele mo go ena. Magobe kamoka a tla išwa lapeng leo monna leng gona. Ka morago beng ba ditelo ba tle ba tšee megopo, ya bona. Ge go ka hwetšwa ke mosadi wo mong gore ka mehla bogobe bja gagwe ga bo lewe ke motho gona o tla bona goba ga ratwe ke monna. Gomme o tla tsenya. 30 molato wa pelaelo go batswadi ba monna. Gomme mo gong go ka tsoga ntwā magareng basadi.

30

Mmankapu mogatša Motlalekgomo o remile Motlalekgomo ka selepe gomme ge taba e tla mošate molato ya ba pelaelo ya go se ratwe ke Motlalekgomo ka ngwaga wa (1919). Gomme mosadi a-botša banna kgorong ya mošate gore Motlalekgomo ga je dijo tšaka o re ke moloi. Gomme mosadi yo le bjalo o tlogile motseng wa monna gomme o dutši motseng wa gagwe kgaufsi le batswadi ba gagwe Pondo Malesa. Monna o robala ka dintlong tša basadi ba gagwe. Gomme o etela mosadi yo le yo mong ka nako ye a 31 ratago. Monna wa basadi ba bantši a ka etela basadi ba gagwe kamo a kgonago bošego ka botae, gore basadi ba bangwe ba sefele pelo ya go tla ga gwe go bona.

Lefakgomo ke monna wa basadi ba seletšego. Gomme o bonwa a tsena ntlong ya mosadi yo mong go robala gona eupja gosasa o tla bonwa a tsoga ntlong ya mosadi yo mong. Basadi ba monna ba hlakana tirong ya seo e lego sa monna. Ga e le mešomong ya bona mongwe le mongwe o a itirela a le moši. Gomme thušano e go basadi bao ba kwanago fela. Gomme bona ba ka thušana

32 mešomong ya mašemong le go seelana dijo. Gape ge yo mongwe a lwala a ka thušwa ke yo mong ka meetse le dikgong le ka dijo. Gomme gantšhi thušano ga e gona. Ge go tsogile mahufa a gore monna ga rate ba bang, bao ba sa ratwego goba a sa ratwego o tla tšea dilo tšeo dilego ntlong ya gagwe tša monna a diiša ntlong ya mosadi yoo a rego o a ratwa go feta ena. Gape ntwā e ba gona gare ga basadi ka pelaelo ya lerato. Morongwe mosadi wa Malatši Monyela le Masie mosadi yo monyane ba ile balwa kudu gomme Masie a ripa molomo wa Morongwe ka meno. Dilo tša basadi di arogantšwe ka malapa ka gore se

33 seng le seng mosadi a se hwetšago mo tšhemong yagagwe ke sa gagwe. Gape le dikgomo tša magadi a ngwana wa gagwe ke tša lapa lagagwe. Thušano ya basadi ka thoko ya bana ga se tlemo ya molao mme ke ka kwano ya basadi fela bao ba ratanago. Gomme monna ga a na maatla a go dira kwano gare ga basadi gore ba thušane. Ge mosadi a rogana le yo mong goba balwa monna a ka se lamole ntwā yeo. Ke gona * ntwā e ka lamola ke motho o šele. Ge monna a ka dira bjalo gona go tla tsoga pelaelo go yo anago le maatla go hlola yo mong gore o bona ge ke tla bolaya mosadi yo a mo ratago.

Ka Motlalekgomo

End. S.642.

J.P.M. Malatši.